

Media Title : Utusan Borneo Sarawak
Headline : Keldai akaun miliki RM1,324 secara tidak sah didenda RM500
Date : 23 November 2023
Section : Tempatan
Page : 2



Keldai akaun miliki RM1,324 secara tidak sah didenda RM500

MIRI: Seorang keldai akaun didenda RM500 atau seminggu penjara oleh Mahkamah Majistret semalam setelah mengaku bersalah atas tuduhan memiliki sejumlah wang yang diperolehi secara tidak sah.

Siah Boon Hong, 22, dari Taman Malim Jaya, Melaka, telah didakwa mengikut Seksyen 37 (1) Ordinan Kesalahan-Kesalahan Kecil 1958

(Sarawak).

Mengikut kesalahan ini, tertuduh boleh dikenakan hukuman penjara hingga tiga bulan dan denda sehingga RM500, jika sabit kesalahan.

Menurut keterangan kes, tertuduh didapati telah memiliki wang berjumlah RM1,324 di dalam akaunnya yang diperolehi secara tidak sah.

Dia didakwa melakukan kesalahan itu pada jam 9.05

malam, 26 Ogos 2021 di sebuah lot di Taman Tanjung Lobang-Medical Road Bypass di sini.

Di hadapan mahkamah, tertuduh merayu agar hukuman ke atasnya diringankan memandangkan ini adalah kesalahan pertamanya.

Pendakwaan dilakukan Inspektor Mudzilawati Abdul Rahman di hadapan Majistret Sandy Yvette Freddy.